

PA 3203

.L8

Copy 1



**QVAESTIONVM**  
**DE COLLEGIIS ARTIFICVM SCENICORVM**  
**PROLVISIO**

---

**DISSERTATIO PHILOLOGICA**

QVAM

**AD SVMMOS IN PHILOSOPHIA HONORES**

AVCTORITATE

AMPLISSIMI PHILOSOPHORVM ORDINIS

IN

**ACADEMIA FRIDERICIA GVILELMIA RHENANA**

RITE IMPETRANDOS

SCRIPSIT

ET VNA CVM SENTENTIIS CONTROVERSIIS

**DIE IX. MENSIS IANVARII H. XI. A. MDCCCLXIX**

PVBLCÈ DEFENDET

**OTTO LÜDERS**

ANHOLTENSIS

---

**ADVERSARIORVM PARTES SVSCIPIENT:**

L. A SYBEL DR. PHIL.

I. STEVP DR. PHIL.

H. DETTMER SEM. PHIL. SEN.

---

**BONNAE**

TYPIS EXPRESSIT PETRVS NEVSSER

MDCCCLXIX

PA 3203  
.L8

DIIS MANIBVS

**F. TH. WELCKERI**

VIRI INCOMPARABILIS

PIENTISSIMO GRATISSIMO ANIMO

A.



Tempore satis antiquo apud Atticos extitisse collegia, diversa ratione instituta certisque iuribus ornata, Solonis lege a Gaio servata demonstratur (Dig. XLVII 22, 4) *ἐὰν δὲ δημόται* (Fl. *δημος*) *ἢ φράτορες ἢ ἱερῶν ὀρχεῶνες* (Fl. *ὀργίων*) *ἢ ναῦται*<sup>1)</sup> *ἢ σύσσιτοι ἢ ὁμόταφοι ἢ θιασῶται ἢ ἐπὶ λείαν* (Fl. *λίαν*) *οἰχόμενοι ἢ εἰς ἐμπορίαν ὅτι ἂν τούτων διαθῶνται πρὸς ἀλλήλους*<sup>2)</sup>, *κύριον εἶναι ἐὰν μὴ ἀπαγορεύσῃ δημόσια γράμματα*. Demotas enim, phratorias, gennetas cultu dei aut herois gentilis communii, quem sacris et conviviis celebrabant, inter se coniunctos fuisse notum est<sup>3)</sup>. Quod exemplum ad alias sodalitates et intra et extra gentes institutas facile accommodari sensimque excoli potuisse apparet. Quare cur sodales a Solone cum gentilibus componantur haud difficile est intellectu. Fortasse e gentibus orti sunt sodales qui appellantur *ὀρχεῶνες*, qui cum illis a grammaticis fere aequiparantur<sup>4)</sup>. Sed omissa pristina illa significatione posteriore tempore eo nomine quaelibet sacra sodalitas no-

<sup>1)</sup> Viros doctos, qui v. *ναῦται*, quod hic sane incommode intervenit, emendare studuerunt, enumerat Lobeckius Aglaoph. p. 305. Chr. Petersen (Der geheime Gottesdienst bei den Gr. Hamb. a. 1848 p. 42) scribi vult *γεννηταί*, Usenerus *μύσται*.

<sup>2)</sup> *οὔτινες ἂν τοιούτων διαθῶνται τι* scr. Petersen.

<sup>3)</sup> Cf. Meier De gent. Attica Halis 1833. Egger mém. d'hist. anc. p. 109 sqq.

<sup>4)</sup> Meier (De gent. Att. p. 25 s.) orgeones gentium partem quandam effecisse statuit; Schoemannus (Opusc. I p. 183 ss.) nulla gentis necessitudine sacro quodam vinculo coniunctos fuisse censet.

tabatur <sup>5)</sup>. Orgeones autem comparantur cum sodalibus thiasorum, qui *θιασῶται* sive *θιασίται* <sup>6)</sup> dicuntur, quod nomen facile explicari potest.

Socrates Xenophonteus postquam descripsit vim Amoris addit *πάντες ἐσμὲν τοῦ θεοῦ τούτου θιασῶται* (conv. 8, 1), et satyrorum maenadum turba, quae Dionysi vestigia sequitur, *θίασος* appellatur <sup>7)</sup>. Itaque Lucianus (deor. dial. 22, 3) Panem dicentem facit *καὶ ὁ Διόνυσος οὐδὲν ἐμοῦ ἄνευ ποιεῖν δύναται, ἀλλὰ ἑταῖρον καὶ θιασώτην πεποίηκέ με* <sup>8)</sup>. Namque thiasotae pari modo atque orgeones id propositum habebant ut deum quendam aut heroa sacrificiis conviviisque colerent <sup>9)</sup>. Thiasotae vero non modo Bacchi cultores sed omnium deorum deorum heroumve vocabantur, et Petersenum, qui thiasotas

<sup>5)</sup> Etym. m. p. 629, 23 *ὀργεῶνες· σύνταγμα τι ἀνδρῶν ὡς τῶν γεννητῶν καὶ φρατέρων· ἀνόμεσται ἀπὸ τοῦ ὀργιάζειν, τὸ θύειν τοῖς θεοῖς* (cf. Bekk. An. p. 286), ubi adiecta particula *ὡς* et similitudo et discrepantia satis aperte significantur. Harpoer. *ὀργεῶνες· οἱ ἐπὶ τιμῇ θεῶν ἢ ἡρώων συνιόντες*.

<sup>6)</sup> Poll. VI, 7 *θιασώτας ἢ θιασίτας*. Moeris p. 186 *θιασῶται διὰ τοῦ ὡ Ἀττικοί· θιασῶται Ἕλληνες*. cf. Hesych. *σίασος· θίασος, λακῶνες*.

<sup>7)</sup> Athen. VIII p. 362 F. *καλεῖται δὲ καὶ ὁ τῷ Διονύσῳ παρεπόμενος ὄχλος θίασος*.

<sup>8)</sup> Philostr. v. Apoll. II, 37 p. 41, 28 K. — *θεοφόρητον δὲ καὶ ἐγγὺ καὶ πάντας ὧ βασιλεῦ τοὺς τὸ ἔθνος πίνοντας· νομφόληπτοι γὰρ ἡμεῖς καὶ βέλκχοι τοῦ νήφειν ποιήσῃ οὖν, ἔφη. ὧ Ἀπολλώνιε καὶ θιασώτην*: cf. Eur. Iph. A. 1058. Weleker G. G. III, 151 f.

<sup>9)</sup> Harpoer. *θίασος· τὸ ἀθροϊζόμενον πλῆθος ἐπὶ τελετῇ καὶ τιμῇ θεοῦ*. Athen. V p. 185 E. *οἱ δὲ νομοθέται τὰ μὲν φυλετικὰ δεῖπνα καὶ τὰ δημοτικὰ προσέταξαν, ἔτι δὲ τοὺς θιάσους καὶ τὰ φρατρικὰ καὶ πάλιν ὀργεωνικὰ καλοῦμενα*. Etym. m. p. 454 *θιασώτης· ὁ κοινωνὸς τῶν θυσίων· ἐκαλοῦντο δὲ καὶ οὗτοι ὀργεῶνες· ἐκλήθησαν δὲ ἀπὸ τοῦ θιάσου, ὅπερ ἐστὶ σύνοδος καὶ συναγωγὴ ἀπὸ τοῦ θεῖν* cf. Bekk. An. I p. 264, 23.



cultibus tantum orgiasticis addictos fuisse putat (Geh. Gottesd. p. 42), errasse postea apparebit.

Cum thiasis coniunguntur a Solone *ὁμότατοι* i. e. sodalitates ad communem sepulturae curam institutae, id quod in plurimis sodalitatibus factum esse videbimus. *Σύσσιτοι* autem vocantur qui coenas communi opera instituunt; qui usus per totam antiquitatem pervagatus in maioribus collegiis certis legibus et formis comprehendebatur.

Nautarum mercatorumque collegia cur formata sint, mercaturae navigationisque iam antiquissimis temporibus florentis rationes demonstrant. Haec quoque collegia cum thiasorum exemplo certum deum conventibus certo tempore repetitis colerent, sodales *θιασώτας* appellarunt. Solonem etiam piratarum sodalitates curasse aut ita explicabimus, ut latrocinandi iura ex Homericis carminibus nota vestigia quaedam vel tunc temporis reliquisse sumamus, aut legislatorem de navibus bellorum tempore capiendis cogitasse putabimus, id quod certis privilegiis publice promoveri par erat<sup>10)</sup>.

Quaecumque ab illis sodalitatibus constituebantur et decernebantur e lege Solonis ita valebant, nedum publicis legibus repugnarent: itaque collegiis tam gentiliciis quam communibus, sive res sacras sive civiles curabant, aequa iura et privilegia tributa fuisse apparet.

Magna auctoritate apud Graecos *erani* institutum fruebatur, cuius rationes post varias virorum doctorum disputationes iam satis perspectas habemus<sup>11)</sup>. Stipe enim menstrua collata communis arca instituebatur qua sodales adversa fortuna laborantes ita iuvarentur, ut re

<sup>10)</sup> Cf. Boeckh Staatshh. I, 762 s. Lobeck Aglaoph. p. 305.

<sup>11)</sup> Boeckh Staatshh. I, 346. Meier-Schoemann Att. Proc. p. 540 s.

familiari restituta omnia se reddituros esse promitterent<sup>12)</sup>. Erani nomen etiam ad convivium refertur, quod sumptu communi non solum cibis et potu, verum quibuscumque hilaritas iucunditasque augeri posset instruebatur<sup>13)</sup>. Utrumque erani genus mature cum thiasotarum sodalitatibus mixtum esse videtur, quae aequae atque eranistae symbolis inter sodales collatis et conventuum et adiutorum sumptus tolerabant. Quare neglecta pristina religiosae sodalitatis notione et *θίασος* et *ἔρανος* idem collegium significant, sodalesque utriusque generis collegiorum et thiasotae et eranistae appellantur, ita ut eis temporibus, quibus sodalitates quam maxime florebant, certa discrimina vix inveniantur<sup>14)</sup>.

Collegia quem ad finem iustituta sint Aristoteles, cuius aetate maxime florere coeperunt, hisce nos edocet (eth. Nicom. VIII, 2) *ἔνιοι δὲ κοινωνιῶν δι' ἡδονὴν δοκοῦσι γίνεσθαι, θιασωτῶν καὶ ἐρανιστῶν· αὗται γὰρ θυσίας ἔνεκα καὶ συνουσίας· πᾶσαι δ' αὗται ὑπὸ τὴν πολιτικὴν εὐδοκασιν εἶναι· οὐ γὰρ τοῦ παρόντος συμφέροντος ἢ πολιτικῇ ἐφίεται, ἀλλ' εἰς ἅπαντα τὸν βίον, θυσίας τε ποιοῦντες καὶ*

<sup>12)</sup> Symbola vocabatur *ἔρανος*, symbolas postulare *ἐρανίζειν*, in commune conferre *πληροῦν* vel *πληρώσασθαι τὸν ἔρανον*, sodalis erani *ἐρανιστής*. Poll. VIII, 144. Plut. de aud. p. 41 E. Etym. m. p. 369, 31 *ἐρανιστής* κυρίως ὁ τοῦ ἐράνου μετέχων καὶ τὴν φροῶν ἢν ἐκάστου μηνὸς ἔδει καταβάλλειν εἰσφέρειν.

<sup>13)</sup> Hesych. *ἐξ ἐράνου· ἔρανος εὐωχία κτέ.* — *στρωματίτην ἐρανόν τινα ἐν ᾧ ἑαυτοῖς παρεῖχον τὰ στρώματα.* cf. Casaub. ad Athen. III p. 117 C. (Animadv. 3 c. 31.)

<sup>14)</sup> Athen. VIII p. 342 E *ἐρανοὶ δὲ εἰσιν αἱ ἀπὸ τῶν συμβαλομένων εἰσαγωγαί, ἀπὸ τοῦ συνερᾶν καὶ συμφέρειν ἕκαστον· καλεῖται δὲ ὁ αὐτὸς καὶ ἔρανος καὶ θίασος καὶ οἱ συνιόντες ἐρανισταὶ καὶ συνθιασῶται.* Hesych. *θίασον· εὐωχίαν· καὶ πλῆθος οὐ μόνον τὸ βαρχικὸν ἀλλὰ (καὶ) τὸ ἐργατικόν.*

περὶ ταύτας συνόδους, τιμὰς ἀπονέμοντες τοῖς θεοῖς καὶ αὐτοῖς ἀναπαύσεις πορίζοντες μεθ' ἡδονῆς. Haec anaglyphis, quae stelis duabus in honorem sacerdotum a thiasis Nicaeae positae insculptae sunt, egregie illustrantur<sup>15)</sup>. In summo lapide altero fragmenta restant coronae et taeniae sacerdotalis; in medio pone aram arbor extat, dextro latere vir barbatus rectus adstat tunica superiniecto pallio indutus, qui laeva manu longum sceptrum tenens dextra phialam super aram porrigit. A sinistro latere appropinquant proxime aram puer ovem adducens sacrificandam, puella dextra manu hirneam, in capite canistrum portans laeva manu sustentatum; denique vir longo pallio indutus e quo dextram manum sub pectore adorantis habitu attollit. Infra anaglyphum leguntur verba haec:

Οἱ Διασῖται Ἀσκληπιάδην Μελιδώρου ἱερωτεύσαντα καλῶς καὶ ἀξίως ἐν τῷ τετάρτῳ καὶ ἑβδομηκόστῳ [καὶ ἑκατόστῳ ἔτει ἐστεφάνωσαν] τῇ τε στήλῃ καὶ στεφάνῳ ἀνθίνῳ μετὰ ταινίας διὰ βίου.

Vir barbatus cum sceptro avique in arbore sedente, quam aquilam habere non dubitamus, *Iuppiter* est, sacrificium accepturus ab Asclepiade sacerdote et ministris pro sodalitate oblatum.

In altera tabula tres quasi scenae distinguendae sunt. Et in superiore quidem parte sacrificium sicut in altero lapide repraesentatum videmus. A dextro latere sedet dea, modium capite gerens, longa tunica superiniecta palla induta, dextra phialam tenens; tympanum, quod genu impositum laeva manu sustentat, et iuxta deae

<sup>15)</sup> Conze Reise auf der Insel Lesbos, p. 61—64. tab. XVIII. XIX. Wescher rev. archéol. 1865 I p. 214.

pedes leo assidens, *Cybelen* clare indicant. Sequitur proxime deam vir rectus citharoedico habitu insignis, laeva manu citharam, dextra phialam tenens. Pone aram hic quoque arbor extat; ad aram altera puella ovem ducit sacrificandam, altera tibia canit; denique mulier adulta eodem precantis habitu quo illuc sacerdos adoratura adstat. Spatio intermisso decem virorum convivium repraesentatur. Pulvini brachiis recumbentium rite subiecti sunt, ante tabulam et tibieines canunt et ministri convivis cibos vinumque praeparant; addita sunt duo bacula sive panis sive carnis frustis onusta. Sequitur denique inscriptio haec:

Οἱ θιασίται καὶ θιασίτιδες [ἐ]στεφάνωσαν  
Στρατονίχην Μενε[[κρά]τον ἱερωτεύσασαν <sup>16)</sup> ἐν  
τῷ ἡ καὶ ὁ καὶ ῥ[ε] [ἐ]τει μητρὶ Κυβέλης καὶ Ἀπόλ-  
λωνι στεφ[ά]νῳ γραπτῷ ἐν στήλλῃ καὶ κηρυκτῷ  
σὺν ται|ν[ί]α καὶ ἄλλῳ στεφάνῳ κηρυκτῷ σὺν  
ταινίᾳ ἐν τῇ τοῦ Διὸς <sup>17)</sup> συναγωγῇ [φιλαγ]αθή-  
σας[αν]. <sup>18)</sup>

Citharoedum *Apollinem* esse apparet, quem una cum *Iove* et *Cybele* sodales colunt. Hisce igitur anaglyphis duas praecipuas sodalitatum actiones repraesentatas videmus. Sacerdos et mulier quae sacerdotio fungitur sacrificant, convivium adhibitis tibicinibus et servis satis illustratur. Cum Asclepiades sacerdos ad annum 174, Stratonice ad annum 178 referatur, facile quis de sacerdotibus annuis

<sup>16)</sup> ἱερωτεύειν etiam in titulo C. I. Gr. n. 2771 II v. 17 invenitur, ubi Boeckhius litteram ω mutare non debebat.

<sup>17)</sup> Petersen Zwei Inschriften (progr. Gymn. Hamb. acad. a. 1862) p. 45 Διὸς in Διὸν mutavit, ut nomen mensis macedonici restitueret.

<sup>18)</sup> Ita emend. Keil. [ἐ]γαθήσας[αν] Wescher.



et de aera ex anno quo thiasus conditus sit ducta cogitet, de qua nihil constat <sup>19</sup>). Sed cum tituli Nicaeae positi sint, recte Conzius aera Bithynica adhibita, quae e regibus Bithynicis facta incipit a. p. u. c. 457 (a. Chr. 297) titulos annis 123 et 119 a. Chr. n. insculptos esse censuit <sup>20</sup>).

Anaglypha aedificium, quo sodales conveniebant et epulabantur, et lucum sacrum quo sacrificia et libationes offerebantur, etiam ad spatiandum convivio peracto aptum, nobis ante oculos ponunt. Vocabantur autem haec aedificia *φωλητήρια* <sup>21</sup>) aut *θιασῶνες* <sup>22</sup>).

Posteris temporibus oblectandi studium apud cuiuscumque generis sodalitates magis magisque praevaluisse a veteribus scriptoribus traditum est. Itaque fieri potuit, ut praeses convivii apud Athenaeum epulones alloqueretur *ἄνδρες θιασῶται*, neque aliunde explicandum quod apud Photium scriptum extat: *θιάσου, ὅσπερ ἐστὶν ἡ ἀπὸ τοῦ πίνειν συναγωγὴ* <sup>23</sup>). Eius generis collegia in Boeotia permulta floruisse videntur: testamentis ad symposia celebranda magnas pecunias in fraudem heredum iis delatas esse, quo factum esset ut mensis plura convivia quam dies haberet, Polybius narrat (XX, 6) <sup>24</sup>). Aeginetae festa celebrabant quae dicebant *θιάσους*, quibus in honorem Neptuni per sedecim dies silentio epulati

<sup>19</sup>) Wescher l. l. p. 217.

<sup>20</sup>) Cf. Borghesi Sull era bitinica (Oeuvr. num. II p. 345—57).

<sup>21</sup>) Poll. VI, 7 *ἰδίως δὲ τοὺς τῶν θιασωτῶν οἴκους φωλητήρια ὠνόμαζον*. Hesych. *φωλητήρια καὶ φωλεαὶ τῶν θιασωτῶν καὶ συνόδων οἴκοι*.

<sup>22</sup>) Hesych. *οἴκοι ἐν οἷς συνιόντες δειπνοῦσιν οἱ θίασοι*.

<sup>23</sup>) Poll. VI, 8 *τοὺς δὲ συνιόντας συμπότας ὁμοσίτους συσσίτους συννοσιαστάς θιασώτας ἢ θιασίτας εἰλαπιναστάς ἐρασιστάς*.

<sup>24</sup>) Cf. Droysen Hellen. II 83 ss.

esse feruntur (Plut. Qu. Gr. XLIX). Pyrrhus a Tarentinis auxilio vocatus contra Romanos, quo animos effeminatos ad virtutem erigeret, convivia communia (συσίτια) in posterum sustulit.

Commune nomen quo omnia collegia comprehenduntur est τὸ κοινὸν, vel σύνοδος <sup>25)</sup> vel πλῆθος; aliae sodalitates συμβιώσεις vel συμβιώσεις φιλίας vocantur <sup>26)</sup>.

Iam vero variorum, quae ex titulis potissimum cognoscere licet, collegiorum recensum quantum fieri potest plenissimum instituemus. Quanta commerciis per varias gentes magis magisque propagatis cultus et religionis commixtio et variatio perfecta sit, quamnam vim haec in sodaliciis potissimum instituendis exercuerit, vix est quod moneam. In Piraeo peregrinorum semper pleno permultae sacrae sodalitates sedem habebant, quae peregrina numina patronos sibi elegerant. In insulis Delo, Rhodo, Puteolis, locis commercii frequentia celeberrimis, plurima collegiorum variorum vestigia servata sunt.

Cum Athenis metroum illud magnum extaret, etiam in Piraeo magnae matri templum consecratum erat, sodalitatis cuiusdam thiasotarum vel orgeonum curae traditum. In ea munera magistratuum a peregrinis suscipi

<sup>25)</sup> Alexandriae Antonio praeside ἀμμητοβίων σύνοδος florebat (Plut. Ant. 28. 71).

<sup>26)</sup> Per figuram similiter usurpantur φρατρία (Liban. IV p. 645 φρατρία ληστῶν. Plut. de curios. XV, 147 τῆς τῶν πολυπραγμόνων φρατρίας. Ioa. Chrysost. c. Gentil. et Iud. I c. 9 p. 571 Β σκληραγωγουμένων φρατρία. Nicet. Ann. II, 41 φρατρία τῶν ἀντιδόξων) et συμμορία (Liban. Ep. 84 p. 46 συμμορία κολάκων. Ioa. Chrysost. ad Antioch. Hom. XI, 122 ποιησώμεθα φρατρίας καὶ συμμορίας καὶ ὅπερ ἐπὶ συμποσίων οἱ πένητες ποιοῦσιν, ἐπειδὴν αὐτοὺς ἕκαστος ἐστιάτωρ ὁλόκληρος γενέσθαι μὴ δύνηται, συνελθόντες ἅπαντες ἐξ ἐράνου τὴν εὐωχίαν εἰσφέρουσι.)

poterant; inter quos Soterichus Troezenius et Cephalion Heracleota nominantur <sup>27)</sup>. Athenis quidem peregrini a publico cultu excluderentur, tamen quominus in Piraeo privatorum cultuum participes essent nihil impendebat <sup>28)</sup>. In iisdem sodalitatibus mulieres quoque sacerdotio fungebantur <sup>29)</sup>. Deinde in Piraeo *Venus Syria* et *Iuppiter Labraundius* a collegiis suis colebantur <sup>30)</sup>. Quaestor collegii Heracleota nominatur, Heracleae autem Iuppiter Stratius i. e. Labraundius insigni modo cultus esse videtur <sup>31)</sup>. *Sarapidi* quoque, cuius religio inde a Ptolemaeo I in Graeciam inlata erat <sup>32)</sup>, in urbe Athenarum collegium Sarapiastarum institutum erat cum Serapeo <sup>33)</sup>. Omnium *heroum* cultum sibi proposuerat thiasus heroi-starum (*τῶν Ἡρωϊστῶν*) <sup>34)</sup>.

Inde ab antiquissimis temporibus erat in usu certis diebus certis deis honores offerre <sup>35)</sup>. Vicesimus mensis

<sup>27)</sup> Magnae matris templum apud Heracleam exstructum commemorat Arrianus periopl. 19.

<sup>28)</sup> Magnae matris thiasus (*μητροπαιὶς θίασος*) etiam Cii florebat (C. I. Gr. 3727).

<sup>29)</sup> *Ἐπιγρ. ἑλλ. κ. ι. π. ἀνεκδ. κτλ. ἐν Ἀθην.* 1860 p. 4 s. ἀρ. 5. 6.

<sup>30)</sup> Rangabé Ant. hell. II, 809 = Le Bas Attique 383 = Ann. d. inst. XXI, p. 162, Foucart rev. archéol. 1864 II p. 399 ss.

<sup>31)</sup> Welcker G. G. I, 642. Preller Gr. M. I, 109.

<sup>32)</sup> Paus. I, 18, 4 cf. Welcker Kl. Schr. III, 100. Preller Ber. d. saechs. Ges. d. W. VI, p. 196 s. E. Plew De Serapide p. 29 s. 33. (Regim. Bor. 1868).

<sup>33)</sup> C. I. Gr. 120 cf. Keil Sched. epigr. p. 39. 40. Le Bas Attique 381. Simile collegium (*οἱ σεραπιασταί*) *Cei* sedem habebat Eph. arch. 2629, cuius tituli paullo plenius apographum exstat 3003.

<sup>34)</sup> Pittakis L'anc. Athén. p. 35. = Rang. 811. = Eph. arch. 861. cf. Keil Sched. epigr. p. 37 s.

<sup>35)</sup> Exempla huius religionis permulta recensuit Od. Müllerus tnouv. ann. de l'ins. arch. I, 335—351.

dies Apollini sacratus erat, liberi illo die nati *Εἰκάδιοι* vocabantur Ieadii nomine, Apollinis nymphaeque Lyciae filii <sup>36)</sup>. Oropi in confinio Atticae et Boeotiae decretum repertum est a sodalitate, quae τὸ κοινὸν τῶν *Εἰκαθέων* nominatur et prae ceteris deis Apollinem Parnesium venerabatur, Hegesia archonte Ol. 114, 1 (a. 324 a. Chr. n.) positum. Videntur igitur *εἰκαθεῖς* vocati esse qui vicesimo cuiusque mensis die in honorem Apollinis conveniebant. Quamquam ipsum nomen aliquid difficultatis movet. Cultores enim Veneris, cui quartus mensis dies sacratus erat, appellantur *τετραδισταί* <sup>37)</sup>, Epicuri discipuli vicesimum diem concelebantes ut natalicia praeceptoris *εἰκαδισταί* <sup>38)</sup> et similiter nomina collegiorum in -*σται* -*ασται* exire solent <sup>39)</sup>. Quare Muellerus nomen quod est *Εἰκαθεῖς* ita interpretatur, ut e nomine festi diei *εἰκάς* locum quo convenirent *εἰκάδεια* appellata et ex hoc nomine sodales *εἰκαθεῖς* vocatos esse putet. Quam derivationem certam non dixerim. Nomen tamen *Εἰκαθεύς*, de quo cogitari vult Petersenus (Geh. Gottesd. p. 42) nusquam inveni.

In modum thiasorum posteriore tempore Athenis etiam philosophorum sectae collegia constituebant; inter quos eicadistas, Epicuri sectatores, iam commemoravimus; de aliis refert Athenaeus (V p. 185) πολλῶν γούν *εἰσι φιλοσόφων ἐν ἄστει σύνοδοι*, τῶν μὲν *Διογενιστῶν*, τῶν δὲ *Ἀντιπατριστῶν λεγομένων*, τῶν

<sup>36)</sup> Serv. ad Virg. Aen. III, 352.

<sup>37)</sup> Menand. ap. Athen. XIV p. 659 C Hesych. *τετραδισταί*.

<sup>38)</sup> Athen. VII p. 298 D cf. Diog. L. VI, 8, 101. Plut. non posse suav. vivi sec. Epic. 4, p. 1089 C.

<sup>39)</sup> Athen. XII p. 551 F *ἀντὶ νομηνιαστῶν κακοδαιμονιστὰς σφίσις ἀντοῖς τοῦτομα θέμενοι*.



δὲ Πανατιαστῶν· κατέλιπε δὲ καὶ Θεόφραστος εἰς τὴν τοιαύτην σύνοδον χρήματα (cf. VII p. 298.)

Verbo tetigisse sufficiat hoc loco collegium sexaginta scurrarum Philippi Macedonis tempore celeberrimum, qui in honorem *Herculis* in *Diomeio* convenire solebant, quorum iocos scurriles descriptos rex talento emisse fertur <sup>40)</sup>. Longe ab his diversum fuit *Herculis parasitorum* collegium. Archon rex e quoque pago duodecim viros germanos eligebat morum puritate insignes, qui certo die in *Herculis* templo epulantes parasiti vocabantur. Itaque cum collegium efficerent sacrum, thiasotae quoque *Herculis* nominari potuerunt <sup>41)</sup>. Qui talem honorem assecuti erant iis liberos quoque suos ad conventus adducere concessum fuit <sup>42)</sup>. Aliud scurrile collegium iuvenum erat, qui se *Ithyphallo* daemonei consecrabant (τελοῦντες ἀλλήλους τῷ Ἰθυφάλλῳ), quorum ineptias, quas libera professione ἰθυφαλλοί ἐσμὲν οἱ

<sup>40)</sup> Theopompus ap. Athen. VI p. 260 A. cf. XIV, p. 614 F, Aristophanis *Διομειάζονας* (Ach. 574). Welcker G. G. II, 786. Scurras istos cum parasitis *Herculis* necessitudinem habuisse, qui cultores *Herculis* in *Heracleo* psephismate *Alcibiadis* (Athen. VI p. 234) κατὰ τὰ πάτρια e nothis eorumque filiis eligebantur, id quod Kampen demonstrare conatus est (De parasit. apud Gr. sacrorum ministris Gott. 1867 p. 27), nullam habet veri speciem.

<sup>41)</sup> Hos parasitos Aristophanes in comoedia *Δαιταλεῖς* inscripta spectasse videtur. Diodor. com. ap. Athen. VI p. 239 D. p. 235 C. Suid. *Δαιταλεῖς*· δαιτυμόνες καὶ θιασῶται καὶ συμπόται κτέ. Cf. Etym. m. p. 251, 40. Zon. p. 464, 5 δαιταλεῦσι, δαιτυμόσι, θιασώταις ἢ συμπόταις κτέ. Meineke Com. Gr. fr. II, 2 p. 1021 ss. Goettling Ges. Abhdl. I, 257. Ber. d. saechs. Ges. d. W. 1854, 21 ss.

<sup>42)</sup> Isae. de Astyph. hered. 30 εἰς τοίνυν τὰ ἱερὰ ὁ πατήρ ὁ ἐμὸς τὸν Ἀστυφίλον παῖδα ἤγε μεθ' ἐαυτοῦ ὥσπερ καὶ ἐμὲ πανταχῇ καὶ εἰς θιάσους τοὺς Ἡρακλέους ἐκείνον εἰσέγαγεν, ἵνα μετέχοι τῆς κοινωνίας· αὐτοὶ δ' ὑμῖν οἱ θιασῶται μαρτυρήσουσιν.

συννημμένοι καὶ ἐρωῶντες ἀλλήλων excusatas volebant<sup>43</sup>), acerbè Demosthenes castigat (c. Con. 17, 20 p. 1263, 69). Neque insolitum fuisse videtur pueros ad sodalicia admittere. Extat epigramma in puerum, qui octo annos natus Athenis defunctus est, cuius sepulcro thiasotae dionysiacy coronam hederaceam impo-  
suisse dicuntur *στέμμα δὲ [καὶ κισσοῖο] Διωνύσου θιασῶται πυργό[ροι] ἐ[ς] τὸδε μοι μνηῆμα] κατεξέ-  
τέλουν*. (Welcker Syll. epigr. Gr. p. 24, 9. C. I. Gr. 956). Unde puerum inter sodales fuisse efficitur.

Duo decreta honoraria in insula *Salamine* reperta<sup>44</sup>) Osannus (Syll. II, 56) recte intellexit *Bendidis* thiasotas exhibere, cui deae iam Periclis aetate Athenis cultae, templum prope Dianae Munychiae exstructum erat<sup>45</sup>).

*Thebis* collegium florebat *τῶν συνθυστάων τῶν Μωσῶν τᾶν Εἰσιοδείων*<sup>46</sup>), quod fundos quosdam possedis-  
se ex uno quo commemoratur titulo colligi potest. Ceterum hi sodales prooemium theogoniae, quod Heliconii teste Pausania subditicium habebant (IX, 31, 5), Hesiodo non abiudicarunt.

*Haliarti* in *Dianae* honorem sodalitas venatorum

<sup>43</sup>) Synes. encom. calv. p. 85 C ὅστις λάθρα μὲν ἐστὶ πονη-  
ρὸς καὶ οὐδὲν ἄλλο παρέχεται γνώρισμα τοῦ θιασώτης εἶναι τῆς  
Κότνος, εἰ μόνον ἐν τούτῳ φανείη· περὶ πλείστον τὰς τρίχας ποιοῦ-  
μενος, ὡς ἐναλείφειν τε αὐτὰς καὶ βοστρυχίζειν, εὐθὺς ἅπασιν πρόχει-  
ρον εἰπεῖν ὅτι τῇ Χίων θεῶ καὶ τοῖς Ἰθυφάλλοις ὠργίαιε.

<sup>44</sup>) C. I. Gr. 109 cf. in add. p. 901. 110 = Rang. 1247 =  
Le Bas IV, 1643 cf. Keil Sched. epigr. p. 40.

<sup>45</sup>) Welcker G. G. I, 564. Preller Gr. M. I, 243 cf. Bergk  
Comm. de rell. com. Att. p. 88.

<sup>46</sup>) Rang. 892 — Le Bas III, 403 — Keil Syll. inser. Boeot.  
p. 80 cf. Sched. epigr. p. 38.

instituta erat (*σύνδοδος τῶν κυνηγῶν*)<sup>47)</sup>; simile collegium *Stiride* floruisse videtur (*οἱ κυνηγοί*)<sup>48)</sup>.

*Tei*, in ipsa sede magnae synodi Ionicorum artificum Dionysiacorum multae sodalitates extitisse videntur, fortasse coniunctae cum civium distributione in phratrias et gentes, quae hic, ut Boeckhius observavit (C. I. Gr. 3064) similiter atque in Attica obtinebat. Gentiliciorum certe collegiorum vestigia reperta sunt complura, velut τὸ κοινὸν τῆς Ἐχίνου συμμορίας (C. I. Gr. 3065). Nonnullis titulis nomina commemorantur thiasorum coronis inclusa: οἱ θιάσοι πάντες<sup>49)</sup>, τὸ κοινὸν τῶν Παναθαναιστῶν, τῶν Αἰονυσιαστῶν<sup>50)</sup>.

*Smyrnae* imperatorum aetate praeter synodum artificum sub praesidio imperatorum florentem τὰ κοινὰ τῶν μυστῶν Ἀήμητρος et Αἰονύσου<sup>51)</sup> τῶν Ἐρμαῖστων extiterunt<sup>52)</sup>.

Ex anaglyphis supra tractatis certo confirmari potest, *Nicaeae* collegia quaedam et *Iovem* et *Cybelen* una cum *Apolline*<sup>53)</sup> venerata esse.

<sup>47)</sup> Ann. dell' inst. arch. XX p. 55.

<sup>48)</sup> Ross Inscr. Gr. ined. I, 75. Collegia venatorum in titulis romanis inveniuntur, Orelli 48 al.

<sup>49)</sup> C. I. Gr. 3101. 3112.

<sup>50)</sup> C. I. Gr. 3073 = Le Bas Asie min. 106. Panathenaistas de Panathenaeis ab iis celebratis denominatos esse apparet. Ita in catalogo emptorum *Teni* reperto τὸ κοινὸν τῶν Θεοξενιαστῶν commemoratur i. e. eorum qui τὰ Θεοξένια celebrent (C. I. Gr. 2338 v. 25. 114. 116. 117. 118. τὰ κοινὰ τῶν θιασωτῶν ib. v. 60).

<sup>51)</sup> C. I. Gr. 3194. cf. decreta demi, curiae, synodi 3199. 3200.

<sup>52)</sup> Henzen Bull. dell' inst. 1860 p. 218 s. Collegium cultorum Mercurii (τῶν Ἐρμαῖστων) ex inscriptione inedita Tralliana commemorat Foucart rev. archéol. 1865 I, 222.

<sup>53)</sup> Apollo una cum Cybele Megalopolide, Athenis, Laodiceae colebatur (Paus. VIII, 30, 4. I, 3, 5. X, 32, 5.)

*Therae* pervagatus mos erat mortuos heroicis honoribus prosequi, ut illa in *Theraeis* titulis frequentata ἀφηρωῖξεν vel ἀφηρωῖσθαι τὸ μνημεῖον (C. I. Gr. 2834, 12) vel ἀφηρωῖσθήσεται τὸ μνημεῖον, ἡ σορός (C. I. Gr. 2845, 9) satis testantur<sup>54</sup>). Ii quibus publice heroum honores decernebantur, magna populi frequentia non solum splendide sepeliebantur, sed in herois in memoriam eorum exstructis quotannis et sacrificia et coronationes fiebant<sup>55</sup>). Eiusmodi cultum gentilicium spectat testamentum Epictetae, quo ad constituendum collegium inter gentiles cum templo, sacerdotio, sacrificiis, libationibus, et ad festos dies sodalicii celebrandos tria milia drachmarum donantur<sup>56</sup>). Praeterea Epicteta heroa duorum filiorum coniugisque aedificari iubet; deinde eos qui in gente successuri sint, quotannis ducentas drachmas addere iubet, ut in Museo quotaunis mense Delphinio triduum die undevicesimo Musis, ceteris diebus heroibus gentiliciis, i. e. donatrici, coniugi filiisque sacrificetur (IV, 14 ss.) De sacrificiis, sacerdotio, quod filius quisque maxime natus administraturus sit, de conviviis, de pecunia mutuanda, de custode librorum (γραμματοφύλαξ) titulus accurate docet. Alia inscriptione *Theraea* nescio quae sodalitas sanxit testamentum mulieris *Argiae*, quae sodalicio quingentas drachmas testamento reliquit, ut conviviis memoria *Argiae* eiusque filiae celebraretur<sup>57</sup>).

<sup>54</sup>) Cf. Ross Inscr. Gr. ined. III, 203—18. 251. C. I. Gr. 2468—2473. Ephem. arch. 430. 431 νέον ἥρωα. 433. 490 (1840).

<sup>55</sup>) Keil Anal. epigr. et onomat. p. 42 ss. Ross Arch. Aufs. II, 415 ss. 421 s.

<sup>56</sup>) C. I. Gr. 2448 cf. Ross Reisen auf den Gr. Inseln I p. 72.

<sup>57</sup>) Quodsi *Theraea* quadam inscriptione matri deum quotannis sacrificia tauri, tritici, hordei, vini aliarum primitiarum spondentur

Iovem gubernatorem solis, pluviae, ventorum, tempestatum in summis montibus cultum esse notum est. In arce Athenarum Pausania teste (I, 24, 3.) Terrae statua fuit Iovem pluvium implorantis. In magna siccitate populus Romanus capitolium ascendebat nubes et pluviam precaturus <sup>58)</sup>. Similem morem sequebatur in insula *Co* sodalicium *Iovi* sacrum, quod communem pompam instituere solebat ad aram Iovis in clivo aedificatam, unde nomen tulit τὸ κοινὸν τῶν συμπορευομένων πὰρ Δία ὕέτιον <sup>59)</sup>; quicumque ad locum sacrum commigraverunt comiter a collegio accipiebantur.

Quantum augendis sodalicis religionum diversissimarum confusio profuerit, *Rhodus* praecipue testis est, mercatura inde ab Alexandri magni tempore prae ceteris civitatibus celeberrima <sup>60)</sup>. Et hic quidem catalogum sodalitatum, quarum vestigia ibi reperta sunt, proponere sufficiet <sup>61)</sup>.

(cf. Götting Bull. d. inst. 1841 p. 57 = C. I. Gr. 2465 s. Vol. III p. 1086. Cf. Rang. 893. 1208) non opus est, cum de cultu deum matri apud Theraeos habito aliunde constet (Ross Arch. Aufs. II, 423 s.) de collegio magnae matris cogitare (cf. Wescher rev. archéol. 1866 I p. 245 s.)

<sup>58)</sup> Tertull. Apol. 40. Cf. Petron. Sat. 44 „stolatae ibant nudis pedibus in clivum, passis capillis, mentibus puris et Iovem aquam exorabant.“

<sup>59)</sup> Ross Inscr. Gr. ined. II, 175 = Transactions of the roy. soc. of litt. Vol. I p. 287. 1843.

<sup>60)</sup> Cf. Droysen Hellen. I, 479 ss.

<sup>61)</sup> C. I. Gr. 2525 b. Wescher rev. archéol. 1864 II p. 462. C. I. Gr. 2528. Ross Inscr. Gr. ined. III, 282. Wescher rev. archéol. 1864 II p. 470. Ross III, 291. 292. Hamilton Researches in Asia minor Vol. II app. V, 301. rev. archéol. 1866 II p. 331. Ross Hellen. I, 2 p. 113, 46 = Keil Philol. Suppl. II p. 612 s.



1. Ἀγαθοδαιμονισταὶ Φιλόνειοι.
2. [Α]δωνιασταί<sup>62</sup>).
3. Ἀθαναῖσταί.
4. Ἀθαναῖσταὶ Λινδιασταί.
5. Ἀλιασταὶ καὶ Ἀλιαδαί.
6. Ἀπόλλωνος Στραταγίου (Θιασῶται).
7. Ἀσκληπιασταὶ οἱ ἐν Ἀύλαϊς.
8. Ἀφροδεισιασταί.
9. Λιονυσιασταί.
10. Λιονυσιασταὶ Χαιρημόνειοι.
11. Διὸς Ἀταβυριασταί.
12. Διὸς Ἀταβυριασταί τῶν τᾶς πόλιος δούλων.
13. Διὸς Ἀταβυριασταὶ Εὐφρανόρειοι οἱ σὺν Ἀθηναίῳ Κνιδίῳ.
14. Διὸς Ξεινιασταί.
15. Ἡροεῖσταί.
16. Ξουσαριασταί.
17. Οἰακιασταί.
18. Παναθαναῖσταί.
19. Πανιασταί.
20. Σωτηριασταί.

In insula *Cypro* cultores *Dianae* commemorantur (ὁ Θιάσος τῆς Ἀρτέμιδος)<sup>63</sup>). *Syri* collegium quoddam eranistarum *Neptuno* et *Amphitritae* donarium dedicasse testatur titulus<sup>64</sup>).

Interdum collegia vocari συμβιώσεις supra iam significavimus<sup>65</sup>).

<sup>62</sup>) Δῶνις Ἀδῶνις conferri possunt cum Κισθάλια Ἀχιθάλια, Παισός Ἀπαισός sim. cf. Lobeck *Pathol. elem.* p. 25. Keil *Philol. Suppl.* II, 613.

<sup>63</sup>) *Rev. archéol.* 1866 I p. 437.

<sup>64</sup>) *Ross Inscr. Gr. ined.* II, 107 = *Ephem. arch.* 272.

<sup>65</sup>) *Artemid. Oneirocr.* IV, 44 ἔδοξε τις ἐν συμβιώσει καὶ τροφῇ τοῖς συμβιωταῖς ἀναστειλόμενον ἐκάστω προσοτρύν.

*Pergami* florebat ἡ *Λιοσκουριτῶν* *συμβίωσις* (C. I. Gr. 3540); *Smyrnae* ἡ *συμβίωσις τῶν Συμπινάλων*, quae qualis fuerit ignoro (C. I. Gr. 3304). Minora amicorum sodalicia in titulis commemorata significare videntur, eos qui mortuum honore affecerint, in vita amicitia cum eo coniunctos fuisse. Eius generis sunt *φιλία* vel *συμβίωσις φιλία*<sup>66)</sup>; ἡ *ἱερὰ συμβίωσις καὶ νεωτέρα* i. e. *νεωτέρων* Maeoniae (C. I. Gr. 3438).

Caesar cum collegia tamquam rerum novarum adiumenta efficacissima tolleret, *Delī* quoque ullos exceptis synagogis Iudaeis conventus fieri vetuit<sup>67)</sup>. Delum autem commercio et mercatura tum temporis florentem mercatores Tyrii ut stationem sibi elegerant. Decretum tenemus, haud ita multo ante Chr. n. scriptum, synodi τῶν *Τυρίων ἐμπόρων καὶ ναυκλήρων* sive τοῦ κοινοῦ τῶν *Τυρίων Ἡρακλεϊστῶν ἐμπόρων καὶ ναυκλήρων*<sup>68)</sup>; constitutum igitur est collegium in honorem *Herculis Tyrii*. Miserat legatum ad Athenienses qui locum peteret, quo *Herculis* sui templum aedificaretur, ut Athenis quoque mercatores res suas curare possent. Cum Athenienses libenter sodalium precibus obsequerentur,

<sup>66)</sup> C. I. Gr. 2073 cf. 2072 b. 2339 b in add. Vol. II p. 1057. Le Bas Inscr. gr. et lat. (Paris 1839) V p. 11 s. Franz elem. epigr. p. 337. Boeckh. ad C. I. Gr. 2339 b.

<sup>67)</sup> Ios. Antt. Jud. XIV, 10, 8 Γάιος Καίσαρ ὁ ἡμέτερος στρατηγὸς καὶ ἑπαιτος ἐν τῷ διατάγματι κωλύων θιάσους συνάγεσθαι κατὰ πόλιν, μόνους τούτους (τοὺς Ἰουδαίους) οὐκ ἐκώλυσεν οὔτε χρήματα συνεισφέρειν οὔτε συνδεῖννα ποιεῖν. Cf. Mommsen de coll. et sod. p. 78 s. De Tarquinio Superbo narrat Dion. Hal. IV, 43 συνόδους συμπιάσας — ἐφ' ἱερὰ καὶ θυσίας προσεῖπε μηκέτι συντελεῖν, ἵνα μὴ βουλὰς ἀποδρῶντας ποιῶνται περὶ καταλήψεως τῆς ἀρχῆς. Cf. Arist. Pol. V, 9, 2.

<sup>68)</sup> C. I. Gr. 2271 cf. 2287.

laudantur a synodo et legatus propter pactum cum Atheniensibus optime conclusum magnis honoribus afficitur. Iidem mercatores Tyrii secundo p. Chr. n. saeculo et *Puteolis* et *Romae* stationes habebant. Titulo insigni a Mommseno tractato (Ber. d. saechs. Ges. d. W. phil. hist. Kl. II, 57—62. 1850) compertum habemus, stationarios mercatorum Tyriorum Puteolanos epistulam misisse in patriam, qua ostenderent, collegium adhuc magnum magis magisque necessariis diversi generis sumptibus exhauriri et vix deos Tyrios amplius ut fas esset colere posse; ipsis et in agonibus Puteolis celebratis sumptus bovis victimae conferendos festisque imperatoris omni cultu aedificia ornanda esse; mercatores autem, qui e patria venire solerent, diu esse quod tributum non solverent. Quibus de causis Puteolanae stationis multo deteriores esse res quam Romanae; neque collegium pensionem decem milium drachmarum, quam pro aedificiis, horreis sim. urbi haud dubie solvebant, amplius solvere posse; se rogare igitur ut in patria aliquo modo ipsis succurreretur. Centum et septem diebus post legatus collegii epistulam senatui Tyrio traditam recepit. Unus autem e senatoribus censuit legem ferendam esse, quae stationariis Romanis decem milia drachmarum pro pensione solvenda imponeret; sin minus, fore ut stationarii Puteolani Romanam quoque stationem susciperent; quae sententia maximo plausu comprobata est.

Alia mercatorum sodalitas *Athenis Iovi hospitali* sacrata, ἡ σύνοδος τοῦ Διὸς τοῦ ξενίου τῶν ἐμπόρων καὶ ναυκλήρων (C. I. Gr. 124), a senatu veniam imaginis sodali optime merito eidem proxeno ponendae petiit.

*Tomis* sedem habebat ὁ οἶκος τῶν ἐν Τόμει



ραυκλήρων<sup>69</sup>); quod collegium de domo conventuum denominatum est<sup>70</sup>).

Collegia scenicorum artificum, quae vocantur αἱ σύνοδοι τῶν περὶ τὸν Διόνυσον τεχνιτῶν, institutis imitata sunt collegia athletarum similiumque artificum, quae ad artem ostentandam per urbes migrabant. In nonnullis urbibus tales sodalitates cum gymnasiis coniunctae fuisse videntur, velut Patmi τὸ κοινὸν Δαμπαδιστῶν τῶν ἐν Πάτμῳ καὶ μετεχόντων ἀλείματος<sup>71</sup>). In Amorgo insula sodalicium τῶν κορδακιστῶν τῶν περὶ τὸν Πύθιον Ἀπόλλωνα κορδάκων<sup>72</sup>), Deli τὸ κοινὸν τῶν Εὐπατοριστῶν (C. I. Gr. 2278) cum gymnasio coniunctum, florebant.

Maiora athletarum collegia, quorum vestigia ante imperatorum aetatem nulla inveni, aut de *Hercule*, aut de imperatore, altero *Hercule*, dicuntur. Ἡ ἱερὰ περιπολιστικὴ εὐσεβίης Σεβαστῇ [σύνοδος] καὶ ὁ σύμπασις ξυστὸς τῶν περὶ Τ. Ἀἴλιον Ἀδριανὸν Σεβαστὸν populum Aphrodisiensium per litteras rogant locum, quo statuum ponant sodalis egregii, qui dicitur ὁ πανκρα-

<sup>69</sup>) Arch. Zeit. 1850 p. 140. = rev. archéol. 1853 I p. 379.

<sup>70</sup>) Cf. C. I. Gr. 3439 ὁ ἱερὸς δοῦμος κατὰ τὴν θεῶν ἐπιταγὴν. In inscriptione Lanuvina (Orelli 3740) curia pro collegio ponitur (cf. Henzen arch. Zeit. 1850 p. 238). Simili ratione intelligendum videtur τὸ παλαιὸν βακχεῖον Megarense (C. I. Gr. 1059), quod Welckerus interpretatur *bacchisches Fest überhaupt* (G. G. III p. 151). Sed cum illo titulo honore afficiantur mulieres nomineturque ὁ ἀρχιερεὺς ἐπώνυμος thiasum bacchicum intelligamus opus est; cf. etym. m. p. 453, 58 θιάσμος, εὐωχία ἐστ' ὅτε δὲ καὶ τὸ βακχεῖον γησί· κυρίως δὲ τὸ πλῆθος.

<sup>71</sup>) Ross Inser. Gr. ined. II, 189 = Guérin Descr. de l'île de Patmos et de l'île de Samos (Par. 1856) = Ephem. arch. 228 1862 cf. Krause Hellen. I, 1, 184. 201 s. 36 s.

<sup>72</sup>) C. I. Gr. 2264 c Vol. II in add. p. 1035 = Ross Arch. Aufs. II, 639. cf. Ἀρεμὶς Κορδάκη Paus. VI, 22, 1.

τιαστικῆς ἱερονεΐκης περιοδονείκης, qui a puero virtute praestiterit (ἀπὸ πρώτης ἡλικίας τὰς ὁδοὺς τῆς ἀρετῆς τραπείς), gravi autem morbo correptus sit ut studiis athleticis amplius operam dare non possit <sup>73)</sup>. Sub Hadriani praesidio Romae ludos faciebat ἡ σύνοδος ξυστικῇ τῶν περὶ τὸν Ἡρακλέα ἀθλητῶν ἱερονεικῶν στεφανειτῶν (C. I. Gr. 5906—13). Hi artifices ab imperatore dono acceperant domum, in qua haberent librosque suos reponerent et locum sacrum (τέμενος), quo *Herculi* sacrificarent. Romae autem non per totum annum, sed ἀπὸ καταλύσεως habitabant. Per urbes potius migrare solent, sicut ἡ φιλοσέβαστος καὶ φιλορῶ-  
[μαιος Ἀλε]ξανδρέων περιπολιστικὴ εὐσεβῆς σύνοδος (C. I. Gr. 5804); ἡ ἱερὰ ξυστικ(ῇ) Ἀντω(νινιανῇ) Γορδιαν(ῇ) εὐσ(εβῆς) Σεβ(αστή) σύνοδος (C. I. Gr. 8560).

Ut catalogus collegiorum et sodaliciorum nimis longus tandem aliquando finem inveniatur, enumerare liceat *collegia opificum* in nonnullis *Asiae* civitatibus titulis commemorata. Smyrnae ἡ συνεργασία τῶν ἀργυροκόπων καὶ χρυσοκόων (C. I. Gr. 3154), Magnesiae ἡ σύνοδος τῶν Σμυρναειτῶν παρόντων καὶ κοραλλιοπλαστῶν (3408), Thyatirae οἱ ἱματενόμενοι qui ipsorum sumptu aedificium imperatorium exstruxerunt (3480), ibidem οἱ κεραμεῖς (3485), οἱ ἀρτοζόποι (3495), οἱ βύρσεις (3499), οἱ βαφεῖς (3496. 7. 8.), τοῦτο τό ἡρώων στεφανοῦ ἡ ἐργασία τῶν βαφείων

<sup>73)</sup> Franz Ann. d. inst. XIX p. 112 s. = Le Bas V, 1620. Per totum autem orbem Romanum agones celebrare iis concessum erat: ἡ φιλοσέβαστος γερουσία, καὶ οἱ νέοι καὶ ἡ Ὀλυμπικὴ σύνοδος τῶν ἀπὸ τῆς οἰκουμένης ἱερονεικῶν καὶ στεφανειτῶν (tit. Trallian. C. I. Gr. 2931.)

(3924 b), τὸ συνέδριον τῶν πορφυροβάφων (Le Bas Asie min. 1687 b), οἱ λινοουργοί (C. I. Gr. 3504), οἱ σ[πα?]τοληασταί (1134), ἡ συμβίωσις τῶν χαλκέων (3639 cf. in add. p. 1130).

Ut iam de institutis et rationibus collegiorum paucis absolvamus, haud raro thiasus nomen conditoris fert (ὁ θιάσος ὁ Φαινεμάχου), aut si plures conditores fuerunt, omnium nomina sodalitatis nomini adiciuntur (ταμιεύοντος — — Ἡρωϊστῶν τῶν Λιοτίμου καὶ [τοῦ δειν]ος καὶ Παμμένου κτέ). Interdum si sodalium coetus nimis magnus factus erat, minores turbae a toto collegio ad tempus discessisse videntur, e. g. collegii Λιὸς Ἀταβυριαστῶν Εὐφρανορείων τῶν σὺν Ἀθηναίῳ Κνιδίῳ Euphranor conditor est, Athenaeus Cnidius praeses partis.

Secundum legem quandam eranistarum Atticorum <sup>74)</sup> magistratus eorum qui in collegium ascisci voluerunt animum atque mores explorare debebant; nemini nisi qui ἅγιος καὶ εὐσεβὴς καὶ ἀγαθός probatus fuit, intrare licuit. Talem censuram quamquam non putaverim semper severa sanctimonia actam esse, nolim tamen cum Schoemanno ad iocos referre (Gr. Alt. 1, 518). Ceterum conditiones quibus singula collegia socios asciscebant satis diversas fuisse consentaneum est. De sodalibus inter Heroistarum collegium Atticum recipiendis suffragia ferebantur; sodali simulatque ascitus est, triginta drachmae solvendae erant. Si quis sodalis Athenas reliquit, quo erani particeps maneret, tres drachmas certis temporibus solveret opus erat. Omnium sodalium tributum sex drachmarum erat, quae solvendae erant etiamsi so-

<sup>74)</sup> C. I. Gr. 126 = Le Bas 358. Cf. Keil Sched. epigr. p. 38. 40.

dalīs forte fortuna quominus conventibus adesset prohiberetur. Quando sodalis tributum non solvit, statim e sodalicio eiectus omnibus privilegiis privatus est, nisi adversarum rerum iustam excusationem haberet.

Illis igitur symbolis area communis (τὰ κοινὰ) colligebatur, quae sacrificiorum conviviorum sumptus praeberet. Praeterea secundum erani naturam et legem pecunia communi sodales in rebus adversis iuvabantur, quod quibus conditionibus, qua ratione ac via factum sit, certis testimoniis effici nequit.

Uno quoque anno festi dies pompa sacrificiis conviviis instituendis celebrabantur. Haliastae Rhodii certum mensem conventuum concelebrant (τῷ συλλόγῳ τῷ ἔχονμένῳ μηνὶ τῶν συνόδων), Dionysiaestae ibidem τὰν ὑποδοχὰν τῶν Βαχχείων, Sarapiastae Cei Isidia, orgeones magnae matris τὰ Ἀττίδεια. Cur synodus mercatorum Tyriorum Neptuni solemnes dies insigni ratione concelebraret, in aperto est. Hisce diebus magistratus et sodales bene meriti coronabantur. Unus e sodalibus postquam merita eius qui corona honorandus fuit, singula narrando, quibus ille per annum de collegio bene meruerit, laudibus extulit, clara voce coronationem renunciavit. Corona, quae εἰς τὸν αἰὲ χρόνον sive εἰς τὸν βίον dari solebat, aut oleaginea erat aut aurea aut florea. Haliadae Rhodii praesidem aurea corona secundum legem maxima coronari iubent; iidem coronae lemniscum aureum (διλήμνιον) affigunt. Praeterea imagines clarissimorum magistratuum aut „euergetarum“, sive statuam sive tabulam pictam, loco nobili, saepissime in templo aut prope templum ponunt.

Sodalium sepulturam curasse omnia collegia verisimile est. Thiasotae magnae matris quaestori propterea



honoribus afficiunt quod, cum arca communis sumptibus collegii non suffecerit, sepulturam sodalium curaverit. Deinde si quotannis mense hyacinthio sepulcra coronis ornare solent (C. I. Gr. 2525b), idem in ceteris quoque collegiis valuisse putandum est. Apud Romanos sepulcra communia omnia sollegia curasse demonstravit Mommsenus (de coll. et sod. p. 97).

Summus magistratus est ὁ ἀρχιθιασίτης <sup>75)</sup> vel ἀρχεραμιστής, ἀρχιεραμιστής, ἀρχέρανος, qui pecuniam solvendam eiusque usuram curat <sup>76)</sup>; ὁ ταμίας vel χρυσονόμος arcam communem tuetur, ὁ λογιστής a rationibus est; ὁ γραμματεὺς decreta scribenda album (τὸ κοινὸν γραμματεῖον) et sim. curat. Serapiastarum erano mulier praeest, προερανίστρια appellata. Mulieres sacerdotali munere illis temporibus publico quoque functas esse notum est <sup>77)</sup>. Quare non est quod miremur, si in illis privatis sodaliciis mulieres omnes magistratus administrare poterant. Sacerdotes (ἱερεῖς, ἱεροποιοί) aut in vitam aut in unum mensem creantur <sup>78)</sup>. Praeter illos magistratus alii commemorantur, ἄρχοντες, προστάται, ἐπιμεληταί, ἐπιστάται, ἐπιμεληταί, ἐπίσκοποι. Σύνδικοι iura collegiorum tuentur, ἱεροκήρυξ ut decreta renuntiet creatur.

Eranistae Attici archeranistum, quaestorem, syndicos in annum sortitione creant, ὁ προστάτης, summus magistratus, per vitam munere fungitur. In muneribus

<sup>75)</sup> Θιασαρχήσαντα habes in titulo C. I. Gr. 2099.

<sup>76)</sup> Ἀρχεραμιστής ἐτη δέκα καὶ ὀκτὼ ἐπαύξησε τὸν ἔρανον C. I. Gr. 2525 c.

<sup>77)</sup> Keil Mus. Rhen. XX, 555 s.

<sup>78)</sup> Hesych. ἐπιμήνιοι οἱ ἱεροποιοί cf. K. Fr. Hermann Gottesd. Alterth. 11, 14. Ross Inscr. Gr. ined. II, 175.

administrandis magnam liberalitatem ostentare student. Omnibus fere decretis diserte proditur, honores ad certamen liberalitatis excitandum renuntiari. Ita praesides sacrificiorum sumptus tolerant, aut pecuniam sine usura mutuam dant<sup>79)</sup>, aut aedificia restituenda vel exornanda curant. Quaestor thiasotarum Iovis Labraundii impensam tulit porticus et fastigii in templo dei s. q. s. s. Scribae cuidam, qui libros rationesque summa pietate administraverat, mercedem decreverant; quam cum scriba accipere nolisset, ob liberalitatem valde laudatur (Arch. Anz. 1865 p. 110<sup>\*</sup>).

Magistratus severa disciplina coercentur; si aliquo modo collegii mandata neglexerant, certa summa deo collegii patrono sacra solvenda erat<sup>80)</sup>. Unicuique sodalium licet eum qui contra collegium peccavit statim accusare. Decreta nullo modo turbari debent; si quis periculum fecerit, *ἔνοχος ἔστω νόμῳ τῷ ἀκρινήτῳ* (C. I. Gr. 2525 c). Quare eraniatae Attici iusiurandum dant, se legibus omnibus accurate oboedituros esse.

Servi quoque illis temporibus non solum erani auxilio frui sed collegia quoque instituere poterant. Illud

<sup>79)</sup> In titulo ephem. arch. 2629 *χρείας τε γενομένης ἀργυρίου εἰς ἐκκλησίαν τῷ θεῷ προσήνεγκεν τὸ ἀργύριον ἄτοχον* de facibus emendis quibus orgia aliaque eius generis agerentur intelligenda esse editori vix crediderim. Potius ad ignis alimenta inter lignarios emenda spectant.

<sup>80)</sup> *Δραχμαὶς ἑκάς τοῦ Σαράνδος* (C. I. Gr. 120) *ἡ δραχμαὶς παραχοῆμα ἑκάς τῇ μητρὶ τῶν θεῶν* (Ephem. arch. 2583.) cf. *ἀποτεισάτω ἑκάς Ἀφροδείτῃ θηνάρια τρισχίλια* in titulo Aphrodisiens (ann. XIX p. 212). Quid quod vel hodie eiusmodi nummi extant, alter Crotonianatarum, cui stilo insculptum est *FLAPON TO AΠO[AAONI]* (R. Rochette mém. de num. monn. de Caulon. tab. 3, 24), alter Milesiorum, cui insculptum est *ΕΓ ΑΙΛΥΜΩΝΙΕΡΗ* (ib. tab. 3, 27. Millingen Syll. tab. 2, 44) cf. Minervinium Bull. arch. Nap. V p. 59. VI p. 91. Osserv. num. p. 139.

testantur permulti tituli manumissionum nuper Delphis reperti<sup>81)</sup>. Collegium servorum Rhodiorum Iovi Atabyrio sacrum supra commemoravimus; alio titulo *Δαμῶς Ανδὸς ὑπὸ τοῦ κοινοῦ* honoratur, quem servum fuisse vix dubium est. Denique catalogum tributorum thiasi Cnidii<sup>82)</sup> ad collegium servorum spectare docent nomina, qualia sunt *Σωτήριχος Αἴβυς, Δάμων Σολεὺς, Λιοκλής Φρύξ*. Apud Romanos quoque servos collegia instituisse notum est<sup>83)</sup>.

Res collegiorum haud raro imminutas et fractas fuisse vel inde efficitur, quod saepius opes sodalium divitum *ἐν ἀναγκαιοτάτοις καιροῖς* adhibitae laudantur. Columnarum, quae fundis obligatis vel pigneratis apponebantur *ὄροι* dictae, exempla nonnulla ad thiasos spectantia servata sunt<sup>84)</sup>. De talibus rebus lites interdum ortas esse facile est intellectu; adnumerandae sunt haud dubie iis actionibus, quae vocabantur *ἐρανικαὶ δίκαι* et quam brevissime ad finem perducendae erant<sup>85)</sup>. Cuius generis causarum unum exemplum hic commemorasse satis erit. Sodalitati Icadeorum lis intenta erat, qua arca communis magnum periculum subire videbatur. Adversae parti autem contigerat ut nonnullos eorum ad se attraherent, qui collegio antea fidem dederant, tum tem-

<sup>81)</sup> Wescher et Foucart Inscr. de Delphes (Paris 1863) 89. 107. 139. 213. 244. Cf. Foucart mém. sur l'affranchissement des esclav. par forme de vente à une divinité (Paris 1867) p. 28.

<sup>82)</sup> Newton Discov. of Halicarn. Cnid. and Branch. II p. 756.

<sup>83)</sup> Mommsen De coll. et sod. p. 102.

<sup>84)</sup> *Ὅρος χωρίον πεπραμένον ἐπὶ λύσει θαλάσσης Ἰσοδαίτον Δημόσιον* Keil. Anal. epigr. p. 142 cf. Finlay Transact. of the Roy. Soc. of Litt. III, 2 p. 395. Ephem. arch. 1862, 77. Boeckh Staatshh. I, 180. Meier-Schoemann Att. Proc. p. 506.

<sup>85)</sup> Poll. VIII, 63. 101 cf. Boeckh Staatshh. I p. 72.

poris autem inimicos coram indicibus adiuwabant. In hoc rerum statu Polyxenus Diodori filius illos proditores falsi testimonii accusare studet; collegium autem tres viros creare constituit qui Polyxenum adiuarent; denique Polyxenus ob virtutem pietatemque erga collegium aureae coronae honore afficitur.

Rebus publicis oppressis bona collegiorum (τὰ διασωτικὰ) in communem usum conferebantur aut vendebantur (Aristot. Oecon. II, 2, 4); collegia pro damni restitutione fundos publicos parvi pretii accipiebant, aut in civitatibus maritimis certa privilegia iis tribuebantur, quae ad pisces capiendos aut negotia salaria agenda spectabant. (cf. Boeckh Staatshh. I, 776.)


---



## V I T A

Natus sum *Hermannus Otto Lüders* Anholti *Josepho* et *Maria* parentibus. Fidei addictus sum catholicae. Patris iam ante XXII annos morte mihi erepti memoriam semper pio animo colam. Aestate a. LIV mater mea domicilium transtulit Bonnam, ubi gymnasium adii quod tum *Ludovico Schopeno* viro humanissimo praeceptore dilectissimo rectore florebat. Faustissimo autem numine mihi contigit, ut inde ab aestate a. LXII *Fr. Theophilo Welckero*, venerabili antiquitatis peritorum principi, lectoris munere fungerer, cui viro quantum debeam laudibus persequi non est huius loci. Inde ab a. LXIV in hac universitate studiis philologicis operam dedi. Docuerunt me per hoc tempus *Bernays*, *Held*, *Jahn*, *Kekulé*, *Knoodt*, *Maurenbrecher*, *Nissen*, *Ritschl*, *Simrock*, *Schaefer*, *Springer*, *Sybel*, *Usener*, *Varrentrapp*. Singulari benevolentia *Jahnii* et *Useneri* factum est, ut seminarii philologici per quater sex menses sodalis essem ordinarius, praeterea *Jahnii* benigne concessit, ut exercitationibus archaeologicis per totum studiorum tempus operam navarem, *Bernaysius* ut exercitationibus Aristoteleis interesssem. Quibus viris omnibus, praecipue vero *Otoni Jahnio* et *Hermannno Usenero* gratam semper piamque servabo memoriam.

---



## Sententiae controversae

I. Eur. Alc. v. 145 s. Nck. post. v. 149 transponendi sunt.

II. Eur. El. v. 35 — 38. 258 — 261. 688 Nck. interpolatori debentur.

III. Eur. Suppl. v. 222 — 228 Nck. eiciendi sunt.

IV. Eur. versus qui hodie exstant in Electra fabula 294 — 296 Nck. ex Antiopa fabula inlati sunt. Cf. Stob. III, 27. I p. 80.

V. Eur. fr. Antig. 172 Nck. ita restituo:

οὐτ' εἰςὸς ἄρχειν, οὐτ' ἐχρῆν ἄνευ νόμου  
 τύραννον εἶναι· μωρία δὲ καὶ ὠφέλειν (cod. καιθελειν).  
 ὅς τῶν ὁμοίων βούλεται κρατεῖν μόνος.

VI. Ter. Adelph. prol. v. 9 s. ita interpungendum scribendumque esse propono:

*eum Plautus locum*

*Reliquit; integrum hic locum sumpsit sibi*

*In Adelpbos, verbum de verbo expressum extulit.*

VII. Mythologia graeca adhibitis monumentorum selectorum imaginibus in gymnasiis enarretur opus est.



LIBRARY OF CONGRESS



0 003 056 460 1

**METAL EDGE, INC. 2008 PH 7.5 TO 9.5 P.A.T.**